

NO. SOALAN : 5

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : YB DATUK AHMAD JAZLAN BIN YAAKUB
[MACHANG]**

TARIKH : 17 JUN 2014

SOALAN:

Minta **PERDANA MENTERI** menyatakan :

- (a) Statistik terkini rakyat Malaysia yang berada di bawah program eKasih mengikut negeri dan apakah usaha berterusan Kementerian untuk mendaftarkan rakyat daripada golongan miskin untuk menyertai program eKasih;
- (b) Apakah usaha-usaha berterusan kementerian dalam membasmi kemiskinan tegar terutama kepada penduduk di kawasan pendalaman dan luar bandar.

STATISTIK ISI RUMAH MISKIN DI DALAM eKASIH
MENGIKUT NEGERI & STATUS KEMISKINAN SEHINGGA 31 MEI 2014

NEGERI	JUMLAH KESELURUHAN	STATUS KEMISKINAN			
		MISKIN TEGAR	MISKIN	MUDAH MISKIN	TERKELUAR
Johor	19,343	405	3,651	325	14,962
Kedah	23,364	668	6,015	6,730	9,951
Kelantan	67,780	5,780	31,812	11,386	18,802
Melaka	11,499	30	1,331	0	10,138
N.Sembilan	15,240	449	2,309	1,055	11,427
Pahang	17,540	584	3,207	5,217	8,532
Perak	37,287	1,013	6,587	7,125	22,562
Perlis	11,883	234	2,530	864	8,255
P.Pinang	21,222	591	2,997	0	17,634
Sabah	66,013	26,503	21,136	5,589	12,785
Sarawak	101,213	27,740	31,358	10,884	31,231
Selangor	26,887	1,185	4,856	2,865	17,981
Terengganu	46,210	372	8,786	3,919	33,133
WP KL	13,662	500	1,415	877	10,870
WP Labuan	3,053	92	602	84	2,275
WP Putrajaya	232	2	9	10	211
JUMLAH	482,428	66,148	128,601	56,930	230,749

Bagi negeri yang mempunyai jumlah peserta eKasih yang ramai, pelaksanaan program-program telah dilipat gandakan. Hasilnya adalah mereka telah dapat dikeluarkan dari Paras Garis Kemiskinan semasa.

Tuan Yang di-Pertua,

(b) Usaha-usaha berterusan kementerian dalam membasmi kemiskinan tegar terutama kepada penduduk di kawasan pendalaman dan luar bandar adalah melalui **Program 1AZAM** di bawah Bidang Keberhasilan Utama Negara (NKRA): Meningkatkan Pendapatan Isi Rumah Berpendapatan Rendah (LIH/Low Income Household) yang diselaraskan oleh **Kementerian Pembangunan Wanita, Keluarga dan Masyarakat (KPWKM)** bagi membantu golongan tersebut berdikari dan seterusnya keluar daripada belenggu kemiskinan.

Program 1AZAM yang berteraskan kebijakan produktif atau *productive welfare* membantu golongan berpendapatan rendah dengan menyediakan peluang menjana pendapatan dalam bidang perniagaan (**AZAM Niaga**) dan perkhidmatan (**AZAM Khidmat**) yang diterajui oleh KPWKM dan Amanah Ikhtiar Malaysia (AIM), pertanian (**AZAM Tani**) yang diterajui oleh Kementerian Pertanian dan Industri Asas Tani, dan pekerjaan (**AZAM Kerja**) yang diterajui oleh Kementerian Sumber Manusia. Bermula dari tahun 2010 hingga 31 Disember 2013, Program 1AZAM yang berkonsepkan kebijakan produktif telah mendapat sambutan yang menggalakkan dengan penyertaan seramai 140,296 orang.

Sekian. Terima kasih.